

### Bahagian A [50 markah]

Arahan : Jawab **semua** soalan

1a) Bahan mentah merangkumi semua sumber semula jadi. Nyatakan **empat** masalah sumber semula jadi yang timbul dan konteks perniagaan. [4m]

b) Terangkan **tiga** peranan Badan Berkanun. [6m]

c) Huraikan **tiga** jenis pengeluaran. [6m]

d) Hitung kuantiti pesanan ekonomi [EOQ] berdasarkan maklumat di bawah:

i	Permintaan ramalan	20 000 unit computer setahun
Ii	Kos setiap pesanan	RM 150
Iii	Nilai belian seunit computer	RM 2 500
Iv	Kos penyimpanan	20% daripada nilai belian

[4m]

e) Nyatakan **lima** proses terawal dalam pembelian produk industry. [5m]

f) Berikan maksud *publisiti* serta terangkan **dua** kebaikannya. [5m]

g) Objektif kewangan iaitu meningkatkan kekayaan pemegang saham. Jelaskan . [6m]

h) Huraikan sumber [pembiayaan] dan pengurusan dana berikut :

i) Bon

ii) Overdraf

[4m]

i) Senaraikan **empat** faedah yang akan diperoleh pekerja apabila menghadiri latihan yang dianjurkan oleh majikan. [4m]

j) Terangkan **tiga** jenis ganjaran bukan kewangan kepada pekerja. [6m]

## **Bahagian B [50 markah]**

### **Proton Perdana generasi ke-4 dilancarkan**

2 (a) Proton Holdings Berhad mensasarkan jualan 3,000 unit model baharu Perdana generasi keempat menjelang akhir tahun ini. Ini termasuk sasaran bulanan sebanyak 500 buah. Proton Perdana merupakan model kereta bersaiz sederhana.

Menurut Ketua Pegawai Eksekutif Proton, Datuk Ahmad Fuaad Kenali, ini didorong harga model baru yang kompetitif. Ahmad Fuaad berkata disamping kesuraman sektor automotif, Proton kekal optimis mencapai sasaran jualan tersebut. "Harga yang kami umumkan iaitu 2.0 pada RM113,888 dan 2.4 pada RM138,888, harganya sangat kompetitif."kata Ahmad Fuad. Beliau juga meminta semua wakil pengedar dan Proton Edar menambah bilangan juruteknik. Ini akan memendekkan tempoh menunggu untuk servis berasaskan waranti.

Sejak tempahan dimulakan pada Februari, Proton menerima kira-kira 900 tempahan dari seluruh negara. Katanya Proton Perdana generasi ke-4 berintegrasikan reka bentuk dinamik dan anggun ini memberi nafas baru kepada Proton. . Permintaan yang tinggi terhadap kereta tersebut mendorong Proton menghasilkan model baru dengan tahap penyelesaian yang tinggi. Tambah beliau Perdana baru ini juga melambangkan hasrat Proton untuk memberikan terbaik kepada pelanggan.

Perdana baru ini dipertingkatkan dari segi pengendalian kereta dan.keselesaian. Selain itu, Proton juga membuat penambahbaikan dari segi aesthetik dan aerodinamik untuk memenuhi keperluan semasa. Proton Perdana baharu menampilkan kereta sedan eksekutif bergaya. Ia mempunyai enam pilihan warna, enjin 4 silinder 16 injap DOHC. Ruang pemandu Proton Perdana yang luas dan selesa serta but belakang yang boleh memuatkan ruang pengisian barang yang banyak. Antara elemen yang ditawarkan termasuklah pedal penukar gear, kawalan kelajuan, sistem hiburan dengan navigasi GPS dan fungsi kamera undur, penghawa dingin dua-zon, cermin berkuasa anti-perangkap untuk bahagian hadapan, stereng boleh laras kecondongan dan teleskopik serta tempat duduk pemandu boleh laras secara elektronik. Bagi aspek keselamatannya pula, Perdana 2016 akan dilengkapi dengan beg udara, kawasan kestabilan elektronik termasuk ABS dan EBD.

[Sumber disesuaikan daripada [www.astroawani.com/berita-bisnes/proton-perdana-generasi-ke-4-dilancar](http://www.astroawani.com/berita-bisnes/proton-perdana-generasi-ke-4-dilancar) pada 14 Jun 2016 yang dicapai pada 20 Ogos 2016]

Berdasarkan kes

(i) Tentukan objektif dan strategi pemasaran yang dilaksanakan oleh Proton Holdings Berhad.

[6m]

(ii) Bincangkan **tiga** tahap produk bagi Proton Perdana Generasi ke 4 ini.

[12m]

(iii) Bagaimanakah kaedah campuran promosi pengiklanan dapat membantu Proton Holdings Berhad meningkatkan jualan Proton Perdana generasi ke 4 ini. Jelaskan.

[12m]

3. *Jawab **satu** soalan sahaja, sama ada soalan 3(a) atau soalan 3(b)*

(a) Jelaskan bagaimana factor pengeluaran digunakan dalam pengeluaran biskut

[20m]

**ATAU**

(b) Terangkan bentuk pembiayaan jangka panjang bagi sebuah perniagaan.

[20m]

Soalan tamat